

SAKSPAPIR

Saksnr	Utval	Type	Dato
010/19	Ungdomsrådet	PS	08.05.2019
013/19	Eldrerådet	PS	14.05.2019
015/19	Råd for menneske med nedsett funksjonsevne	PS	13.05.2019
013/19	Levekårsutvalet	PS	14.05.2019
035/19	Formannskapet	PS	16.05.2019

Saksbehandlar		ArkivsakID
Leni Dale		17/86

Feriereiser for personar med store bistandsbehov

Rådmannen sitt framlegg til vedtak

Saka vert teke til orientering.

Ungdomsrådet - 010/19

UR - behandling:

Ungdomsrådet takkar for orienteringa.

Ungdomsrådet meiner at Lindås kommune bør innføra tilsvarande retningslinjer som Bergen har.

UR - vedtak:

Rådmannen sitt framlegg til vedtak

Saka vert teke til orientering.

Råd for menneske med nedsett funksjonsevne - 015/19

RMNF - behandling:

Merknad til saka frå NFU Lindås og Masfjorden lokallag frå Jan Arild Lindaas vart tilsendt rådet 09.05.2019.

Orientering til saka v/Leni Dale-kommunalsjef helse og omsorg

Innstilling til Formannskapet:

Det er uklart for oss kva rådmannen legg fram til vedtak og kva som skal takast til orientering. Saksutgreiinga viser kva retningslinjer som gjeld i Bergen kommune og kva kostnader dette vil utgjere for Lindås kommune. Saksutgreiinga, slik vi les den seier ingen ting om vidare handsaming.

Vi ber om at saka vert vidare utgreia då med reell brukarmedvirkning frå brukar/verje, brukarorganisasjonane og arbeidstakarorganisasjonane.

Samrøystes vedteke.

RMNF - vedtak:

Innstilling frå RMNF - 13.05.2019:

Det er uklart for oss kva rådmannen legg fram til vedtak og kva som skal takast til orientering. Saksutgreiinga viser kva retningslinjer som gjeld i Bergen kommune og kva kostnader dette vil utgjere for Lindås kommune. Saksutgreiinga, slik vi les den seier ingen ting om vidare handsaming.

Vi ber om at saka vert vidare utgreia då med reell brukarmedvirkning frå brukar/verje, brukarorganisasjonane og arbeidstakarorganisasjonane.

Eldrerådet - 013/19

ER - behandling:

Merknad: Eldrerådet er samd i uttalen frå RMNF - 13.mai.2019.

Ellers ingen merknader, samrøystes

ER - vedtak:

Uttale i Eldrerådet- 14.05.2019:

Eldrerådet er samd i uttalen frå RMNF - 13.mai.2019.

Levekårsutvalet - 013/19

LE - behandling:

Orientering til saka v/Leni Dale-kommunalsjef helse og omsorg

Fellesframlegg v/A. Hetlebakke-Krf:

Levekårsutvalet bed om at retningslinjene for feriereiser for personar med bistandsbehov i Lindås, Meland og Radøy kommunar vert vurderte og samordna i samband med opprettinga av Alver kommune. Brukarar, brukarorganisasjonar og arbeidstakarorganisasjonar må involverast i prosessen. Framlegg til retningslinjer for Alver kommune skal leggjast fram for Alver kommunestyre, som skal vedta desse.

Framlegget vart samrøystes vedteke.

LE - vedtak:

Innstilling frå Levekårsutvalet - 14.05.2019:

Levekårsutvalet bed om at retningslinjene for feriereiser for personar med bistandsbehov i Lindås, Meland og Radøy kommunar vert vurderte og samordna i samband med opprettinga av Alver kommune. Brukarar, brukarorganisasjonar og arbeidstakarorganisasjonar må involverast i prosessen. Framlegg til retningslinjer for Alver kommune skal leggjast fram for Alver kommunestyre, som skal vedta desse.

Formannskapet - 035/19

FO - behandling:

Framlegg om innstillinga frå levekårsutvalet med følgjande tillegg i siste setning:

....., gjeldande frå 01.01.2020

Framlegget vart vedteke med 9 røyster.

Framlegg frå B.Vatnøy-Frp:

Feriereiser for personer med store bestandsbehov.

Formannskapet vedtar å innføre retningslinjer som Bergen for 2019, med at det er mulig, dersom ansatte vil reise på ferie/tur i 2019. Om man drar på ferie/tur blir alle ekstra kostnader dekket av bruker/pårørende. Kommunen yter ikke ekstra reisestøtte.

Nye retningslinjer for Alver kommune skal være klar innen 01.01.2020.

Framlegget fekk 2 røyster og fall (B.Vatnøy-Frp og N.Øvreås-Frp).

FO - vedtak:

Formannskapet bed om at retningslinjene for feriereiser for personar med bistandsbehov i Lindås, Meland og Radøy kommunar vert vurderte og samordna i samband med opprettinga av Alver kommune. Brukarar, brukarorganisasjonar og arbeidstakarorganisasjonar må involverast i prosessen. Framlegg til retningslinjer for Alver kommune skal leggjast fram for Alver kommunestyre, som skal vedta desse, gjeldande frå 01.01.2020.

Saksopplysningar:

Politisk handsaming

Saka skal til uttale i Ungdomsrådet, Eldrerådet, Råd for menneske med nedsett funksjonsevne

Saka skal til innstilling i Levekårsutvalet

Saka skal avgjerast i Formannskapet

Bakgrunn

Retningslinjer for ferie og feriereiser for mottakarar av helse- og omsorgstenester i Lindås kommune vart gitt som orientering til formannskapet 28.03.2019. Det vart bedt om ei utgreiing om korleis Bergen kommune sine retningslinjer er og korleis konsekvensane vil verte ved bruk av desse retningslinjene i Lindås kommune.

Det vart gjort følgjande vedtak: *Formannskapet ber om sak til neste møte jf. Bergen kommune ansatt ledsagar kommune på feriereiser for personer med store bistandsbehov.* (028/19)

Vurdering

Rutinene til Bergen kommune gjeld for feriereiser med overnatting for personar med medfødd funksjonsnedsetting eller tidleg erverva skade og store bistandsbehov. Gjeld personar som bur i bufellesskap, eigen bustad eller foreldreheim. I målgruppa er personar med for eksempel utviklingshemming eller andre store og samansette funksjonsnedsettingar. Gjeld ikkje for andre mottakarar av helse- og omsorgstenester.

Kriteria og vilkår:

Gjeld for personar med medfødd funksjonsnedsetting eller tidleg erverva skade og store bistandsbehov og som må ha ledsagar for å kunne reise på ferie. I tillegg må personen vera over 18 år og busett og folkeregistrert i Bergen kommune.

Søknadsprosess:

Vergje eller pårørande må ta initiativ til å planlegge ferie saman med tenestemottakar. Hvis det er ønskjeleg at tilsette i Bergen kommune skal delta på reisa, må ein tidlegast muleg kontakte leiar for tenestestaden for planlegging av feriereisa. Leiar undersøker om tilsette ønskjer å delta på feriereisa, og kor mange tilsette som eventuelt må delta på reisa for at den kan bli gjennomført på ein forsvarleg måte. Leiar gjev skriftleg tilbakemelding til vergje eller pårørande om det er muleg for tilsette å vera ledsagar og reknar ut kostnaden.

Det skal inngås ein skriftleg avtale om dekking av reiseutgifter..

Alle meirkostnader ved reisa skal dekkast av tenestemottakar. Dette inkluderer kostnader utover grunnbemanning, reise og opphold for tilsette.

Reisa bør planleggast i god tid for å sikra at utgifta blir foruseieleg for tenestemottakar og samstundes kunne ta ivare arbeidsgivar sitt behov for kvalitetssikring av tilbodet til både den reisande og dei ev. gjenverande bebruarane. Dersom reisa fører til endring i tilsette sin arbeidsplan skal reisa vera godkjent av leiar seinast 1 måned før avreise.

I samband med feriereiser er det ikkje tillete at tilsette opparbeider seg meirtid utover godkjent turnus.

Tilsette må sjølv ønskje å vera med på feriereisa.

Permisjon utan lønn eller bierverv med det formål å gjennomføra feriereiser vert ikkje innvilga.

Ved feriereiser med varigheit over 5 veker vil ikkje tilsette kunne delta som ledsagar.

Lover og retningslinjer:

Det er ikkje ei lovpålagt teneste å ha kommunalt tilsette med som ledsagar på feriereiser.

Dersom Bergen kommune ikkje kan stille med ledsagar på ei reise, er brukar ikkje hindra frå å reise. Ved reiser i Noreg er det opphaldskommunen som har ansvar for å gje nødvendige pleie- og omsorgstenester. Dette gjeld også personar som er på ferie i kommunen. Alle kan på eige initiativ reise der dei vil, når dei vil. Kommunen rår alle som har bistandsbehov og som ønskjer å reisa til andre kommunar om å søkje tenester i den kommunen ein skal besøkje i god tid på førehand.

Feriemidlar:

Bergen kommune set av pengar til feriemidlar kvar år, så langt det er muleg. Beløpet vert fordelt ein gong i året. Beløpet den enkelte får er avhengig av kor mange det er som søker og kor mange ledsagarar det er som skal vera med på alle feriereisene.

Det vert gitt ca. kr 2500 kr i støtte per ledsagar, men dette er eit vegleiar beløp som blir justert i forhold til tal søkerar og det totale tal ledsagarar som skal vera med på feriereisene.

Kor mange ledsagarar ein kan få tilskot for, er avhengig av kor mange overnattingar ein har på reisa.

- 1) Ved ferie med 1 - 3 overnattingar er det muleg å få tilskot for inntil 3 ledsagarar.
- 2) Ved ferie med minst 4 overnattingar er det muleg å få tilskot for inntil 4 ledsagarar.
- 3) Ved ferie med minst 6 overnattingar er det muleg å få tilskot for inntil 5 ledsagarar.

Organisert ferietilbod tilrettelagt for vaksne med utviklingshemming:

Byrådsavdeling for helse og omsorg tilrettelegg og organiserer ferietilbod for vaksne utviklingshemma busett i Bergen. Tilbodet føregår i juli måned.

Målgruppa er utviklingshemma som kan reise utan at det er med fagkompetente ledsagarar og våken nattevakt. Bergen kommune stiller med ledsagarar. Deltakarane betaler ein eigenandel som dekkjer eigen reise, aktivitetar, forpleining og opphald. Bergen kommunen dekkjer ledsagarane sine utgifter og honorarer.

Konsekvensar ved bruk av tilsvarande retningslinje i Lindås kommune

Ha med kommunal ledsagar/ tilsette på feriereisa:

Dette kan organiserast med god planlegging og avtalar med tillitsvalde. Det vil vera behov for søknad i god tid for planlegging av forsvarlege tenester på reisa og elles i tenesta og for godkjenning av arbeidsplanar for tilsette.

Feriemidlar:

I Lindås kommune er det pr. idag i same målgruppe som Bergen kommune har retningslinjer for, om lag 26 personar som vil ha behov for eiga fagpersonell på ferieturar. Dersom ein reknar ca. kr. 2500,- pr ledsagar og eit snitt på tilskot for inntil 4 ledsagarar pr.person, vil dette utgjere kr. 260.000,- pr.år.

Organisert ferietilbod tilrettelagt for vaksne med utviklingshemming:

Pr. i dag har Lindås kommune 64 utviklingshemma som mottek tenester frå kommunen. Dersom ein trekkjer frå dei som vil ha behov for eiga fagpersonell, er det 38 personar som vil kunne vurderast for å kunna reise på tur utan at det er med fagkompetente ledsagarar og våken nattevakt. Kostnaden for denne type organisert ferietilbod er sjølv sagt avhengig av kor mange som er med på turen og kvar ein reiser.

Eit eksempel:

1 veker opphald for 20 personar med 10 ledsagarar vil gi ein ca. kostnad på kr. 170.000,- for reise-, opphalds-, og lønsutgifter til ledsagarar.

Det vil vera behov for nærare utgreiing for konkretisering av kostnader og utarbeiding av retningslinjer før eit evt tiltak kan setjast i verk.